

Hermann Becker

**Rector Universitatis Rostochiensis M. Hermannus Becker ... Ad Iusta Quae ...
Virgini Reginae Sophiae Heins/ A Sorore Fratreq[ue] Maestissimis ... Omnium
ordinum Cives Academicos prolixè officioseq[ue] invitat : [P.P. sub sigillo
Rectoratus die 1. Aprilis Anno 1672.]**

Rostochii: Kilius, [1672]

<http://purl.uni-rostock.de/rosdok/ppn77097466X>

Druck Freier  Zugang



Becker, H.,
in R. S. Hein.

Rost. 1672.

14.

RECTOR
UNIVERSITATIS ROSTOCHIENSIS
M. HERMANNUS

Becker /

Inf. Math. Prof. Publ. Philosoph.



Facultatis hodiè Decanus, & ad D.

Jacobi Pastor,

Ad

JUSTA


Quæ

Lectissima Corporisq; & animi dotibus condecoratissima VIRGINI

REGINÆ SOPHIAE
Heins /

A

SORORE FRATREq; Mæstissimis
Hodiè hora I. persolvuntur in Aede Jacobæ,
Omnium ordinum CIVES ACADEMICOS
prolixè officiosq; invitat.



ROSTOCHII,

Typis JOHANNIS KILII, Universitatis Typogr.



Eliorem homini diem esse
mortis, eo, quo nascatur die,
Sapientissimi mortalium effatum
est. Enimvero isto, quo lucem
hanc conspicamur die, simul
morti consecramur, illo vero,
quo extremum nobis diem fata
numerant, felicitati veræ vitæ
restituimur; Vitam nostram

Portus instar esse, non ita pridem monuimus, præclare
igitur fit, si quis ex fluctibus cito in portum hunc sub-
vehitur, qui, omnibus nostris laboribus, & quas per-
pelli sumus, miseris finem imponit. Thracum finiti-
mi *Transi*, natalem cujusq; diem fletu, & lamentatio-
nibus, emortualem risu, & gratulationibus excipere
soliti fuerunt, attentissimè nimirum reputarunt, eos,
qui hanc vitam ingrediantur, in ludibrio versari, inque
laborum atque dolorum Ergastulum præcipitari, qui
vero inde migrent, malis subtrahi omnibus, & ab exi-
lio in patriam, ab Orco in Cælum transferri. Fal-
luntur ergo animi, & impensè delirant, qui ex miseris
quæ-

quæsituri sunt beatitudinem, quamdiu enim con-
tigit gestare carneam hanc molem, tamdiu
ægritudines animi, pravique corporis affectus
pertinaci nos læcessunt odio. Ordinur vitam
nostram fletu, pueritiam inter flâgra, & robur
ætatis, inter durissima exigimus opera, Sicut po-
mo innascitur vermis, & vino immistæ sunt fæ-
ces, ita voluptati innatus est suus dolor, in quem
despumat tandem. Eleganter Cicero *amores*
¶ *delicia*, inquit, *celeriter deflorescunt*, ¶ *in omni-*
bus rebus, voluptatibus maximis fastidium finiti-
imum est. Experimur quotidie, in vita humana,
tristia lætis, ac læta tristibus succedere, & vo-
luptatem dolore, dolorem voluptate temperari-
hincque *Nemo uti MENANDER* graphice affe-
rit, *usque vivit ex sententia, Cæca ¶ parum felix*
est vita mortalium. Mors itaque fœlicissimis et-
iam exoptanda esse videtur, quia finis nostræ mi-
seriæ, & æternæ vitæ natalis est, neque ullis ni-
si malis, mala; Eximiè proin cum **NOSTRA RE-**
GINA SOPHIA Heins / Virgine plane virtuo-
sissimâ neminique secundâ, actum est, quæ pau-
culos ante dies, vitam cum morte, aut si malis,
mortem cum vita permutavit; Pervenit enim
hac viâ eo, ubi venerandam ac stupendam
Majestatem Divinam, intrepido lustrare visu,
præ-

prædefunctosque parentes in apertos recipere
amplexus possit: Nos intaminatam hanc
Felicitatem, pudicissimæ huic virgini, merito
gratulamur, apposituri ea, quæ de profapia splen-
didissimæ Virginis, Vir plurimum Reverendus
atque Clarissimus Dominus **LUDOVICUS**
BARCLAI, Archidiaconus ad Divæ Mariæ meri-
tissimus, Collegaque noster honoratissimus,
conscripsit & nobis cum communicavit: Sic enim
ille. *Nata est hac pie defuncta REGINA SO-*
PHIA Heins / hic Rostochii anno post Christum,
natum 1647. die 3. Septembr. inter 4. & 5. matuti-
nam. Pater ei fuit, vir spectatæ virtutis ac doctri-
næ DN. HENRICUS HEINIUS, Amplissi-
morum Ducalium Oeconomus quondam fidelissimus.
Matrem habuit præstantissimam fœminam
MARGARETAM Hagemeyers. Avum pa-
ternum habuit Virum Consultissimum, Ampli-
atq; Excellentiss. **DN. ALBERTUM HEINIUM,**
J. U. D. & Decretalium per annos 40. in Celeberrima
hac Universitate Professore, Amplissimi Juriscon-
sultorum Collegii Seniore, ac Illustrissimi Principis
Meklenb. DUCIS JOANNIS ALBERTI, Consi-
liarum intimioris admissionis, longe meritissimum.
Aviam paternam habuit CATHARINAM Hoste-
mans/ matronam singularis exempli. Avum ma-
ternum

ternum sortita fuit Virum Prudentissimum ac Spe-
Etatissimum DN. GEORGIUM HAGEMEI-
STERUM, Senatorem quondam Reipublicæ hu-
jus gravissimum. Aviam Maternam MARGA-
RETAM Beselius / feminam laudatissimam,
Proavus Paternus fuit Vir Amplissimus & Consul-
tissimus DN. FRIDERICUS Hein / J. U. D.
Decretalium in hac Academia Professor, Illustrissi-
mique Principis Mecklenburg. DUCIS JOHAN-
NIS ALBERTI, Consiliarius intimioris ad-
missionis, postmodum hujus Civitatis Syndicus, ac
Consul quondam gravissimus. Proaviam pater-
nam habuit ANNAM Dobbins / Matronam
omnibus muliebrium virtutum ornamentis conspic-
tuam. Proavum maternum sortita fuit DN. GE-
ORGIUM Hagemeister / Ecclesiarum Guströvi-
ensium Oeconomum quondam maximè industrium,
ac fidelem, & Illustrissimo Principi Mecklenburg.
DUCI ULRICO à Secretis Camera; Proaviam
Maternam REGINAM Krüegers / matronam
honestam. Avavum paternum habuit DN. JA-
COBUM Hein / Consulem apud Neobrandenbur-
genses quondam prudentissimum. Aviam vero
paternam ELISABETAM Barnefues. Avavus
maternus ei fuit LAURENTIUS Hagemeister /
Civis Butzöviensis; Avavia materna MAR-
GARE-

GARETA *Wenzling*. *Ad hoc natalium decus ac-*
cescit, quod est palmarium, accurata parentum edu-
catio, quæ omnis eo tempore tendebat, ut filiam hanc
suam in disciplinâ & eruditione Domini enutrent;
Ita etiam educata erat, ut præter puellares artes, nil
nisi optima ac honesta nosse posset: Et quamvis
NOSTRÆ Modestia animique innocentia fa-
tis hæcenus innotuere, allubescit tamen ea,
quæ commendandæ eximiæ virgini factura esse
arbitrabimur, strictim adjicere. Enim vero
FUNCTA Fœderis SANCTO baptismate
initi, nunquam nescia, à fastu supercilioque ab-
horruit, non genas purpurisso aut oculos ceruf-
sâ pingere sivevit; Pudorem maxime omnium
adeo asservavit, ut ne oculis quidem cujusquam,
quicquam de virginitatis integritate delibari
permiserit. Rei domesticæ prolixè studuit,
& PIETATEM, ut quam sciret habere promif-
siones hujus & futuri seculi, impensè amplexa est.
Sed ecce! sistere illa in medio operum horum
cursu gradum, Deo ita volente ac disponente,
jussa est, siquidem paucos ante dies inopinato
correpta morbo, decumbere cœpit, quem Vir
Excellentissimus & Experientissimus DN. SE-
BASTIAN. Wûrdig / Med. D. & Prof. Col-
lega & amicus noster colendissimus, his verbis,
quæ

quæ hic apponi placuit, expressit. Quinto morbi die vocatus, pulsus geminam alioquin vitæ indicinam, vix deprehendere potui, adeo enim oppressus erat, imminutus, imo ferme abolitus, ut ante vesperam morituram Virginem, nisi propediem mox revocaretur pronunciarem; Cognovi exinde extemplo insignem subesse morbo maximè acuto malignitatem. Sine morâ itaq; alexipharmaca & cordialia præscripsi, quæ cor ex parte liberarunt. Sextus dies anxietatibus, inquietudinibus, jectigationibus consumebatur. Septimo, apparentibus signis, sudorifero promotâ fuit Crisis, octavo tamen iterum disparuere petechiæ, revocare itaque tentavimus iter atâ sudatione, in somnes tamen noctes & contumaces vigiliæ salutis spem maxime dubiam reddebant. Finis noni diei adstantes bene quidem sperare videbatur jubere, ob dulcem, qui obrepebat somnum, evigilans tamen viribus exhansis & Spiritibus vitalibus malignitate extinctis, paulo post placide in DOMINO expiravit *Virago, REGINA SOPHIA*: Quamprimum itaque pie demortua medicamentorû usurpatorum viribus, vehementiam affectuum minime cedere posse animadvertisset, totam se ad Æternum illû convertit Medicum, & quum nuperrimè sacrâ Synaxi tanquam ultimo viatico se munivisset, atque abs Confessionario etiam, Viro Maximè
Reve-

Reverendo Amplissimo & Excellentissimo DN.
HENRICO MULLERO, D. & P. P. quin & Ec-
clesiarum Rostochiensium Superintendente
bene merentissimo, Amico & Collega honoran-
do, efficacissimis scripturarum oraculis identidem
roborata sit, die 25. hujus mensis Martii, integris,
etiam sensibus & in ipso flore ætatis (ut quæ annos
saltem 24. & aliquot menses explevit) ultimum
fatum lubens ac læta excepit. Nos **CIVES**
ACADEMICI quæ nostrarum futura sunt par-
tium, minime negligemus, frequentesque
(si fortean ea etiam res conferre quicquam ad le-
niendum eorum qui ex præsentis casu tristantur,
dolorem possit) **VIRGINEUM FUNUS** co-
mitabimur, quod ut prolixè faciatis, etiam
atq; etiam adhortamur.

*P. P. sub sigillo Rectoratus die 1. Aprilis
Anno 1672.*

Convenietur in Æde D. Jacobo
sacra, horâ primâ.





ternum sortita fuit Virum Prudentissimum
Statissimum DN. GEORGIUM HA
STERUM, Senatorem quondam Re
jus gravissimum. Aviam Maternam
RETAM Beselins / feminam laudat
Proavus Paternus fuit Vir Amplissimus
tissimus DN. FRIDERICUS Hein
Decretalium in hac Academia Professor
mique Principis Mecklenburg. DUCIS
NIS ALBERTI, Consiliarius int
missionis, postmodum hujus Civitatis S
Consul quondam gravissimus. Proav
nam habuit ANNAM Dobbins / M
omnibus muliebrum virtutum orname
tuam. Proavum maternum sortita fuit
ORGIUM Hagemeister / Ecclesiarum
ensum Oeconomum quondam maximè in
ac fidelem, & Illustrissimo Principi A
DUCI ULRICO à Secretis Camera;
Maternam REGINAM Krüegers /
honestam. Avavum paternum habuit
COBUM Hein / Consulem apud Neob
genses quondam prudentissimum. Ab
paternam ELISABETAM Barnesue
maternus ei fuit LAURENTIUS S
Civis Butzoviensis; Avavia mater

